

تَبْرَاتْ نْ بُولُسْ إِتِيَطْسْ

إِفْرِ إِزْوَارْنْ

^١ غْ دَارْ بُولُسْ لَيْ يِكَانْ إِسْمَكْ نْ رَبِّي، إِكْ أَرْقَاصْ نْ يَسُوعْ لَمَسِيحْ. تَبِرَاتْ فَادْ أَوْسْخْ إِلِيمَانْ نْ وَلِيْ يِسْتِيْ رَبِّي أَدْ إِسَانْ لَحَقْ، أَرْسْكَارْنْ أَيْلِيْ فْ إِرْضَا، ^٢ فْ أَدَارْسْنْ يِلِيْ رَجَأْنْ تُودْرْتْ إِدُونْ لَيْ سْ إِقاوْلْ رَبِّي لَيْ أُورْ إِسْكُرْكِيسْنْ، غَمْنْ لَيْغْ تَأْ أُورْ إِخْلَقْ أَمِيَا، ^٣ لَيْغْ تَلَكْمْ لُوقْتْ نَسْ إِسْبَائِنْدْ رَبِّي أَوَالْ نَسْ، نَتَانْ لَيْ يِكَانْ أَمْجَنْجَمْ نَخْ، إِكْلَفِيْ سَرْسْ إِفْكِيْ لَامْرْ نَسْ أَسَرْسْ تَبَشَّارْخْ، ^٤ أَرْتَرَاخْ تَبِرَاتْ أَدْ إِتِيَطْسْ لَيْ يِكَانْ يَوِيْ إِحْقَاقْ غْ لِيمَانْ لَيْ نَمْشَرَاكْ: أَدَاكْ إِفْكْ رَبِّي لَيْ يِكَانْ بَابَاتْخْ دْ أَمْجَنْجَمْ نَخْ سِيدِيتْخْ يَسُوعْ لَمَسِيحْ لِبَرْكَا نَسْ دْ رَحْمَتْ نَسْ دْ لَهْنَا نَسْ.

^٥ فَلَخْكِينْ غْ تَكْزِيرْتْ نْ كَرِيتْ أَسَاسْتُواْتْ أَيْلِيْ يَعْمَانْ، تَسِيدَتْ إِمْغَارْنْ لَيْ رَاسْتْ يَوِيْ غْ لَكْنِيْسَا غْ كَرِيكَاتْ تَمْدِنْتْ غَمْكِلِيْ فَكْ أَصَاخْ. ^٦ إِلَّا فْ وَنَا إِكَانْ أَمْغَارْ، أَفْلَاسْ أُورْ إِتِيَوسَانْ كَرَأْ نْ مَايْخَشْنْ، دْ أَيْتَاهَلْ يَاتْ تَمْغَرْتْ، كَنْ تَرْوَأْ نَسْ إِمْوَنْ فْ أُورْ إِتَشَكَا يَانْ إِسْ فَسْدَنْ أَلَا كَانْ إِمْعَصِينْ. ^٧ أَشْكُوْ أَمْرَوْارْ أَيْكَا دْ لُوكِيلْ نْ رَبِّي، إِخْصَا أَفْلَاسْ أُورْ يَسَانْ يَانْ كَرَأْ نْ كَارْ، دْ أَكِيْسْ أُورْ يِلِيْ لَكِيْرْ، أَلَا إِرْخَا أَدَاسْ تَطِيرْ، أَلَا إِتَبْلَا سْ شَرَابْ، أَلَا أَرْ إِتَمَاعْ، أَلَا إِكَا أَطْمَاعْ أَيْرِبِيْخْ سْ كَارْ تَغْرَاسِينْ، ^٨ وَلَائِنِي إِلَّا فَلَاسْ أَيْسِمْرْ حَبَا سْ إِنْبِيْيُونْ، إِعْزُوْ دَارْسْ وَفُولِكِيْ، إِكْ بَنَادْمْ إِلَانْ لَعَقْلْ نَسْ، إِكْ وَادْ إِصْلَحْنْ، إِغْوَسْ، إِيَاضْ غْ إِحْفَ نَسْ، ^٩ إِكْ وَلِيْ يُومَزْنْ غْ تَبِرَاتْ نْ لَنْجِيلْ يَامْنْ سَرْسْ غَمْكِلِيْ يَاوَنْتْ نَسْلَمْدْ، فْ أَيْزَضَارْ أَيْتَصَاحْ إِمْوَنْ سْ الْمُودْ إِصْحَانْ، إِرَأْرْ فْ وَلِيْ كَنِينْ ضَيِّضْ نَسْ. ^{١٠} أَشْكُوْ گُوتْنْ وَلِيْ سَرْنُخْ أُورْ سَفَلْدِنِينْ، أَبُهُومْ غْ أَيْتْ لَخْتَانْتْ، غَوِيدْ أَيْجَلُونْ مَدَنْ سْ تَجْمَاعْتْ إِخْوَانْ، ^{١١} غَوِيدْ إِخْصَاكْ أَتَنْ تَسْقَسَاتْ، أَشْكُوْ أَرْ سَلَمَادَنْ تَغْوُسِوِينْ لَيْ سْ إِخْصَا أَتَنْتْ أُورْ سَلَمَادَنْ، أَرْ سَرْسِنْتْ خُلُونْ لِيمَانْ نْ تَكَيْنْ كُلُوتْتْ، فَادْ أَسْنْ صَحَانْ إِقَرَّيْضَنْ نْ لَعَارْ. ^{١٢} يَانْ گِيْتِسْنْ إِكَا نَبِيْ نَسْنْ أَرْ إِتِيْ: «أَيْتْ كَرِيتْ أَرْ بَدَا سَكْرُكِيسْنْ. أَدْ كَانْ دْ لَوْحَاشْ خَشِنِينْ. كَنْ إِمْعَكَازْنْ دْ إِدْ بُويْحَلْكَانْ». ^{١٣} تُوكَأَا أَدْ صَحَانتْ. غَانْ إِفْكْ إِخْصَا أَتَنْ بَهْرَا طَرِيتْ أَدْ إِصْحُو لِيمَانْ نَسْنْ، ^{١٤} أَسْتْ أُورْ أَوِينْ غْ تَمِينِينْ نْ وَدَائِنْ، دْ لُوصِيَّاتْ نْ وَلِيْ أَكِينْ أَغَرَاسْ نْ لَحَقْ. ^{١٥} كَرِيكَاتْ تَغْوُسَا تَغْوَسْ إِولِيْ غُوسِنِينْ، وَلَائِنِي أُورْ إِغْوَسْ يَاتْ إِولِيْ لَسِنِينْ دْ وَلِيْ أُورْ أَمِنِينْ، حَتَّى لَعَقْلْ نَسْ دْ ضَمَّيرْ نَسْنْ إِلَسْ. ^{١٦} أَرْتَتِينْ سَنْ رَبِّي، وَلَائِنِي أَرْتْ تَتَكَارْنْ سْ لَافَعَالْ نَسْنْ، أُورْتِنْ إِرِيْ لَخَاطِرْ، كَانْ إِمْعَصِينْ، أُورْ رِضَارْنْ أَدْ سَكْرُنْ كَرَأْ نْ مَايْصَلْحَنْ.

إِفْرُ وِيسَ سِينَ

^١ أَمَا كِيْنِ سَلْمَادْ أَيْلِيدْ إِمْشُوكَانْ دُّلْمُودْ إِصْحَانْ: ^٢ إِنِي إِيْقِيرْنْ أَدْ إِلِينْ لَعَقْلُ نُسْنْ، يِلِي فَلَاسْنْ لُوقْرْ، بَاضْنْ غُ إِخْلَوْنْ نُسْنْ، أَمْزْنْ غُ لِيمَانْ دُّتَايِرِي دُصِبْرْ: ^٣ أَرْتِسْلَمَاتْ تَقْرِيرِنْ أَدْ سُكَارْنْتْ أَيْلِي سُكَارْنْتْ تَمْغَرِينْ لِي كَنِينْ تِينْ رَبِّي، أَدْ أُورْ رَكْمَنْتْ وِيَاضْ، أَلَا تِبْلَانْتْ سُ شَرَابْ، وَلَائِنِي أَفْلَاسْتْ إِلَانْ دُأَدْ سَلْمَادْنْتْ مَايَصْلَحْنْ، ^٤ أَرْ تَتْصَاحْنْتْ تَعْرِرِينْ أَكِيْسِنْتْ نِلِي تَايِرِي نِ إِرْكَازْنْ نِسْنْتْ دُتَرْوَا نِسْنْتْ، ^٥ إِلِينْتْ لَعَقْلُ نِسْنْتْ، غُوسْنْتْ، أَوِينْتْسْتْ غُ تَكْمَمَا نِسْنْتْ، فُوكِينْتْ سُ مَدْنْ، أَرْسَفْلِيدِنْتْ سُ إِرْكَازْنْ نِسْنْتْ، فَادْ أُورْ يَائِرْ يَانْ أَوَالْ نِ رَبِّي سُ كَرَا نِ كَارْ: ^٦ غُمْكَانْ دُ إِعْزِرِينْ سَلْمَادْ أَسْنْ أَدْ بَاضْنْ غُ إِخْلَوْنْ نُسْنْ غُ كَرِيْكَاتْ: ^٧ زُكُورْ أَسْنْ غُ وَفُوكِي، أَرْتِسْلَمَاتْ سُ نِيْتْ نِكْ دُوْلْ إِغُوسْنْ، يِلِي فَلَاكْ لُوقْرْ: ^٨ سَلْمَادْ أَيْلِي يِكَانْ لُحَقْ فُ أَكِيْسْ أُورْ يَافْ يَانْ كَرَا نِ لَعِيبْ، فُ أَيْلَهَشَامْ وَلِي يِكَانْ ضِيَضْ نُونْ، أَشْكُو أُورَا يَافْ كَرَا نِ مَايَخْسِنْ مَافَلَوْنْ إِنْتِي: ^٩ سَلْمَادْ إِيْسَمْكَانْ دُ سَفَلِيدِنْ سُ وَلِي فَلَاسْنْ لَانِينْ، مَاعِنْ فُ رَضَا نِسْنْ غُ كَرِيْكَاتْ تَغَوْسَا، أَدَاسْنْ أُورْ تَرَارَانْ أَوَالْ، ^{١٠} أَلَا أَرَاسْنْ تَاكْرَنْ، وَلَائِنِي إِلَا فَلَاسْنْ أَبْدَا سَرْسْنْ فُوكِينْ يِلِي گِيْسِنْ لَامَانْ، غُمْكَادْ أَسْ رَادْ سَبَايِنْ غُ كَرِيْكَاتْ تَغَوْسَا إِسْ إِفُوكِي الْمُودَنْ رَبِّي لِي يِكَانْ أَمْجَنْجَمْ نَخْ: ^{١١} أَشْكُو رَبِّي إِسْبَايِنْ رَحْمَتْ نِسْ فُ أَكْلُو سَرْسْ إِجْنَجْمَ مَدْنْ، ^{١٢} أَرَاخْ تَسْلَمَادْ أَنْبُضُو دُكَارْ، نَبْضُو دُشَهَوَاتْ نِ دُونِيتْ، نَبَاضْ غُ إِخْفْ نَخْ، نِكْ وِيدْ صَلْحَنِينْ، أَرْتِسْكَارْ أَيْلِي فُ إِرْضَا رَبِّي غُ دُونِيتْ أَدْ، ^{١٣} أَرْتُنْتَلْ سُ وَاسْ أَمْبَارْكِي لِيْغُنْ نِرْجَا، أَتْ إِكَانْ دُ إِغْدْ إِبَايِنْ لَمَجْدَنْ رَبِّي لِي يِكَانْ وَادْ مَقْوَرْنْ دُ أَمْجَنْجَمْ نَخْ يَسُوعْ لَمَسِيْخْ، ^{١٤} نِتَانْ أَفْلَاخْ إِسْبِلْنْ إِخْفْ نِسْ، فَادْ أَخْدْ إِفُو غُ كُولْ مَايَهَرْشِنْ، إِسْغُوسْ أَخْ أَنْكْ مَدْنْ نِسْ لَيْغْ إِلَا سِيْعَرْ دُ سُكَارْنْ أَفُوكِي. ^{١٥} سَلْمَادْ أَسْنْ مَيَادْ، تَتْصَاحْنْ، أَرْتُنْ طَرِيْتْ سُ كَرَا دَارِكْ نِ لَادْنْ. أَدْ أُورْ تَاجْتْ يَانْ أَكْ إِحْكَرْ!

إِفْرُ وِيسَ كُرَاضَ

^١ سَكَتَايْ أَسْنَدْ دُ سَفَلِيدِنْ سُ إِرِيَاسْنْ دُ لَحَكَامْ، إِوْجَادْنْ أَدْ سُكَارْنْ كُولْ مَايَفُوكِينْ، ^٢ أَدْ أُورْ رَكْمَنْ يَانْ، أَلَا أَرْتَمَاغْنْ، وَلَائِنِي أَدَارْسْنْ يِلِي لَخَاطِرْ نِ وِيَاضْ صَبْرَنْ أَسْنْ: ^٣ أَشْكُو هَانْ أَلَا نِكَنِي نِكَتِينْ غَادْ إِزْرِينْ سُ إِدْ وَارْ لَعَقْلْ، أُورَا نَسْقِلِيدْ سُ رَبِّي، نِجَالْ، نِكْ إِسَمْكَانْ إِكْرِيْكَاتْ أَنَاوْ نِ شَهَوَاتْ تَمَمِينْ، نِلِي غُ كَارْ، تِلِي گِيْنْخْ لَحَسَدا، نَحَشا مَدْنْ حَشَانْ أَخْ: ^٤ وَلَائِنِي رَبِّي لِي يَانْخْ إِكَانْ أَمْجَنْجَمْ لِيْغُدْ إِسْبَايِنْ تَايِرِي نِسْ دُ رَحْمَتْ نِسْ إِمْدَنْ، ^٥ إِجْنَجْمَ أَخْ إِسْيِرْدْ أَخْ سُ إِرِيدْ نِ تَلَالِيْتْ تِيسْ سَنَاتْ إِكْ تُودْرَتْ نَخْ تِينْ لَجْدِيدْ سُ

رُوح لِقْدُس، أورْد أَفَاخ إِجْنِجم دِإِس نُسْكُر كِرَان لِأَعْمَال صَلْحَيْن، وَلَائِبِي رَحْمَت نِسْ أَسْ أَخ إِجْنِجم،^٦
 إِعْمَرْ أَخ بَهْرَا سِرْ رُوح لِقْدُس سِرْ يَسُوع أَمْجَنْجَم نَخ.^٧ إِكَاخ دِوِيدْ صَلْحَيْن سِرْ نَعْمَتْ نِسْ، أَنْگ ولِي
 رَائِكُوسُو تُودِرْتْ إِدوْمَنْ لِيغْ أَخْنِ إِلَارْجَا.^٨ أَوَالْ أَدْ إِكَاكْ صَنَّاْتْ. إِريخْ كِيكْ أَبَهْرَا سَمْكِيلْتْ فِي مَيَادِ،
 أَسْتْ أَوِينْ ولِي أَمْنِينْ سِرْ رَبِّي غِدْ أَدْ سَكَارْنْ مَايْفُوكِينْ. أَشْكُو مَيَادِ إِفُوكِي إِنْفَعَا كُلو مَدْنِ.^٩ وَلَائِبِي إِتِي غِ
 إِمْجِيدِنْ خَوَانِينْ، إِمْجِيدِنْ فِي لَاجْدُودْ، دِطَرِي طِيْطِ دِإِمْجِيدِنْ فِي شَرْعْ، أَشْكُو مَيَانْ أُورْ إِكِي يَاتْ أَلَا تَلاَّ
 كِيسْ كِرَان لِفَائِتْ.^{١٠} وَنَادِ بِويِنْ كِرَان لِبِدْعَا تَعْلَمْتْ يَاتْ تَكْلَتْ، تَعْلَمْتْ تِيسْ سَنَاتْ تَوَالِ، إِغْتْ أُورْ بِوْدِي
 تَتِيتْ كِيسْ.^{١١} تَسَانْتْ زُونْدْ غَوَنَا إِسْ يُونْفْ إِوْغَرَاسْ أَرْ إِسْكَارْ دَنُوبْ، إِحْكَمْ فَلَاسْ إِحْفْ نِسْ.
 إِغْ أَكْنْ أُورْزِنْخ أَرْتِيمَاسْ نَغْدِ تِيخِيْكُسْ، مَاعْ أَدْ دَرِي تَاشْكْتْ سِرْ تَمْدِنْتْ نِيِكُوبُولِيسْ، أَشْكُو سَكْرُخْ فِ^{١٢}
 أَنْ زَرِيْخْ تَاكْرُسْتْ غِينْ.^{١٣} كِنْ كِرَان دَارِكْ إِلَانْ أَتَاوْسْتْ إِزِينَاسْ لِي يِكَانْ أَسْلَمَادْ نِ شَرْعْ نَنَانْ دِأَبْلُوسْ إِغْ
 رَادْ مُودُونْ، مَاعْ أَنَنْ أُورْ إِخْصُو يَاتْ.^{١٤} أَيْتِمَاتْخِ إِمُونْ إِلَا فَلَاسْنِ أَلَا نَتِي أَسْتْ أَوِينْ غِيْ مَايْعَدْلَنْ أَرْتْ
 سَكَارْنْ، أَرْ أَكَانْ إِويَاضْ أَيْلِي فِي لَكْمَنْ، أَدْ أُورْ كِنْ إِدْ وَارْ لَغْلَتْ.^{١٥} أَرْفَلَكْ تَسْلَامْنِ ولِي كُلو دِيدِي
 لَانِينْ. سَلْمْ فِي لِيَاخْ حُوبَنِينْ غِيْ لِيمَانْ. أَدَوْنْ كُلو إِفَكْ رَبِّي لِبرَكَا نِسْ.